

सर्वज्ञ मित्रया इतिहास

व

सम्यक सम्बोधि ज्ञान दर्शन



लेखक व प्रकाशक

मिद्धु धर्मालोक महास्थविर

आनन्दकुटी बिहार

स्वयम्भू

THIS BOOK /

<https://dhamma.digital>

प्रकाशक
शिवु घर्मालोक महास्वविर
आनन्दकुटी बिहार
स्वयम्भू

मिति



मुद्रक
अमलकुमार बसु,
इंडियन प्रेस, प्राइवेट लि.,
वाराणसी-शाखा ।

<https://dhamma.digital>

थःगु खँ

भीगु देशे भी नेपाल भाषा यागु प्रचार गाकं हे छ
तिनि । न्हापा गणाया समये ला भीगु भाषा यात अत्यन्त
दयनीय रूपं कोत्यला तःगुलिं याना विकाश मजुल धाय्
फु, तर आ अथे प्रतिबन्ध छुं मदय् का नं भीसं भीगु
थः मां भाय् यात गुलि माल उलि थकाय् मफया च्वंगु
थ्व भीगु हे अनुत्साहिता, थःगु मातृ भाषाया लागी त्याग
शक्ति मगागु व स्नेह मगागु, एकता मदुगु सिबेत मेगु
छु धाय् ?

पूज्यपाद श्री धर्मालोक महा स्थविरं थःगु मातृ भाषा
उत्थानया लागी अनन्त त्याग व अथक महान परिश्रम
याना बिज्यागु भी मां भाय् प्रेमी सकसिनं मस्युगु खँ
मखु । आ थ्व प्रकाशित जुया च्वंगु 'सर्वज्ञ मित्र या
इतिहास' नं उकियागु हे छगू अंग खः । थुगु कथा वस्तुस
मानव मात्रया दुखा-दरिद्र पिनि उपरे महानगु कल्याण-
दयां बिलि-बिलि जागु अत्यन्त उत्कृष्ट त्याग शक्ति क्यना
तःगु दु । उलि जक मखु मिथ्या दृष्टि जुया च्वंगु छो,
ईश्वर पूजां अलग याना यथार्थ ज्ञान रूपी सम्यक दृष्टी
हयेगु नं प्रयास याना बिज्यागु दु । थज्यो-थज्योगु भीगु

[૨]

થઃગુ હે માતૃ ભાષા પ્રકાશિત જુયા વયા ળ્વંગુ પુસ્તક રત્ન
અખ્યયન દ્વારા શ્રદ્ધાવાન પાઠક જન પિંસં પ્રેરણા કયા
થઃ થઃગુ મનુષ્ય જીવન સાર્થક વ સફલ યાના ત્રિજ્યાઈ
દી ધૈગુ તઃધંગુ આશા થ વિશ્વાસ યાના ળ્વના ।

મિત્તુ અનિરુદ્ધ

લુમ્બિની

૧-૧-૬૭



Dhamma.Digital

<https://dhamma.digital>

सर्वज्ञमित्रया इतिहास



भिक्षु धर्मालोक महास्थविर

सर्वज्ञ मित्र या इतिहास

न्हापा परा पूर्व काले काशी बनारस शहरे पंडितपिं मुना शास्त्रार्थ याइगु बिहार छगू दुगु जुया च्वन । व बिहारे साबहे बांलागु तगोगु चैत्य छग दु । व चैत्यया गजुली तःधिका इमा छुवास्या स्वो दयेका बास याना च्वन ।

छुन्हु व बिहारे पंडितपिं सकलें मुना, सभायाना, शास्त्रार्थ याना च्वंगु बखते व स्वोले च्वंछ इमा नसा मा वंगु जुया च्वन । व नसा मा मां बोया वै च्वं बले किसानि छुवास्या नकतिनि बुद्ध छाँउ मचा छुवा द्यामे ध्यना बँ ज्या याना च्वन । व मचा छाँउस्य च्वंगुलि इमां व छाँउ मचा यात लापाँय धका माया दाया यंका थःगु स्वोले तोते यंकल । मचा लिपा व मचा सना हल रव्वया हल । अले इमा ग्याना विस्युं वन । मचा रव्वःगु शब्द पंडित-पिसं ताया स्वः वं बले चैत्यया गजुलि इमाया स्वोले छाँउ मचा छुम्ह रव्वया च्वंगु खना, कई हया व सभाया मध्ये आपालं धन द्रव्य दुम्ह, संतानमदुद्ध पंडितं कया व मचा यात सर्वज्ञ मित्र धका नां छुना लहिना तल ।

कथःथ्ये व मचा तःधिक जुया बल । पंडित तयेगु सत्-
संगतं याना व मचा नं पंडित हे जुल ।

मचा तःधिक जुस्येलि व मचा यात लहिनातःपिं
धर्म या मां बौपिसं व मचा यात व्याहा याना बीगु मने
तया न्यन । व मचा विद्वान् जूगुलि आपालं विचार-
वानम्ह, दूरदर्शीम्ह जुया मां-बौ पित्त थथे लिस बिल
कि आम व्याहा याना बीगु धारे छिमिमं तंता याना च्वने
मते जिगु व्याहा जिं स्वया याय् । छिपिं निम्हं दतले
छिमिगु सेवा याना च्वने । छिपिं मदइ बले जिं स्वया
व्याहा याय् माली ला मोली ला व जिं घाय् मफु मागु
जुइ धका लिसः बिल । व खँ अर्थे ।

लिपा छुं काल बिते जुस्येलि व मचा या धर्म या
मां-बौ निम्हं परलोक जुया धुकुपागु अधिकार दकं थःगु
जुल । अले व सर्वज्ञ मित्रं अपालं धन खना थथे विचा
यातः - अहो ! थुलि-थुलि मछि धन स्वथना इपिं निम्हं
गन वन जुइ ? थ्व धन जिं छुयाय्गु धका मने विचार
याना, मां-बौ पिसंथें मुंका स्वथना थकेगुला बेकार हे ख ।
धैगु अनेक तर्क वितर्क विचार याना स्वत ।

व सर्वज्ञ मित्र प्रज्ञावानम्ह पंडित व दूरदर्शीम्ह
जूगुलि धन दौलत द्वारा गुथाय् तक सारगु ज्या ज्वी फै ।
यदि थ्व धन दौलत त्याग याःसा गुथाय् तक सारगु ज्या

जुइ ? घका विचार याना स्वया, आखिरे थ्व हे थहरे जुल कि धन दौलत द्वारा चक्रवर्ति, इन्द्र सम्म नं जुइ फु । यदि थ्व धन सम्पत्ति त्याग याना छोट धासा, मोक्ष धइगु जन्म, जरा, व्याधि व मरण तकं मदय् का, निर्वाण पद तक नं प्राप्त याना काय् फु । प्रज्ञा-ज्ञान तक नं लाना काय् फु धका विचारं थुइका काल ।

वं सम्पत्ति तोतेगु बारे विचा यात । मूर्ख मनुतेयत बिल धासा अज्ञान बढे याना यंकी । मा मापित आवश्यक पड़े जू जूषित मौका मौकाय् आखीर पड़े जू जूषित व्यूसा जक थुकीया सार जुइ फै । मखुसा संसारे हानि अपालं जुइ फु । थ्व धन दौलतं याना, धइगु मने तथा, पर्चा छापे याका इना बिया छोट कि सुयात छु छु आपत्ति-विपत्ति धन द्वारा अरे जुया च्वन वैत-वैत माम्हसित माक्को माक्को माः माःगु का वा । जिके दतले जिं बी घका बिया च्वंगु भिं निदँ बिते जुया तिनि बल्ल व धन बिया फुका, आःतिनि याउँल घका मतीतया, गेरु वस्त्रं पुना भोलि तुम्बा, जोना छें तोता पिहाँ वन ।

व धन सम्पत्ति बिया च्वंगुया प्रभावं नां तःधना संसारे ता तापाकं निसें वया नां चले जु जं वना च्वंगुलिं याना वहे धनया आशा कया चेदँ गूँद दुल्ल ब्राह्मण छुल्लस्यां भरस्वर न्हेदँ च्यादँ याक्क मिसा मचा छुल्ल बोना

तुतामं जुया बइ च्वंगु. घोर भयानकगु जंगले नाप लात ।
 व सर्वज्ञ मित्र या मने थथे वल कि थयागु वृद्धा अवस्था
 जुइ धुंकुल ब्राह्मण थयागु घोरगु वने छुयानिति वया
 च्वंगु जुइ, छक न्यने धैगु मने तथा व वृद्ध ब्राह्मण याथाय
 वना न्यन :—

थयोगु वृद्धा अवस्थाय् थवमिसा मचा छल्ल बोना छाय्
 गन वनेत वयागु ? धका न्यसेलि व ब्राह्मणं जू जगु खँ
 फुककं विस्तार पूबक कन । छुयाय् । थव अमागी मचाया
 मां परलोक जुई धुं कल । आथ्व मचा छुम्हे सित कन्या
 दान बीगु अवस्था थेन जिके घासा दांछि दाँ हे दुगु मखु ।
 उकिं बनारसे सर्वज्ञ मित्र धयाम्हस्यां मापित माक्को घन
 बिया च्वंगु वु घागु समाचार न्यना, वया च्वनागु खः ।
 थनं काशि घइथाय् थ्यंकेत गुलि वने भानि धका न्यन ।
 अले व सर्वज्ञ मित्रया मने आथ्वयात खँ कनेला मकनेला
 धैगु बिचार जुल । खको जुक्को खँ कने हे माली धका
 ब्राह्मण यात थथे धाल : सर्वज्ञ मित्र धैम्हस्या दक्को
 घन सम्पत्ति माः मापित दान बिया फुका, व अनं पिहाँ
 वया देश देशे अमण यायत्त वया च्वन । व अन काशि
 देशे मदय् धुंकल । धकाः धाल । थथ्ये सर्वज्ञ मित्रं घागु
 खँ न्यने वं व ब्राह्मण अनहे निरुत्साह जुया, अर्थेय जुया
 मूर्ख्या जुया बेहोस जुल ।

सर्वज्ञ मित्रया मने थथे जुल । जिगु हे आशां वम्ह,
जिगु हे वचनं थ्व मूळ्य्या जुल । थ्व सित धासा ब्रंझ हथ्या
जित लाइगु जुल धका मने धन्दा जुल । आः थ्वयात गथे
याये माली धका मने लुइका थ्व यात ला उपकार याय्
हे माली मयास्य जी मखु । धका मने वायका स्वया,
लुइका वज्रमकुट देशे च्वंम्ह जुजुं साधु छुम्हसिके छगू
उपदेस न्यना तःगु दुगु जुया च्वन । व जुजुं गुम्ह मनू नं
थःगु इच्छां थःत म्यु वह । व मनूत, १०८, म्ह न्याना,
व मनू तयेगु छुंयत्वा ल्हाना, व छुयँया दध्वी च्वना
मोह ल्हइ फुसा, व मनुखं थ्व संसारे छु तक याय्गु इच्छा
दु, व फुक्कं पुरे याय् फै धैगु उपदेस बिया थःकूगु न्यना,
मनूत धमा धम न्याना च्वंगु दु धैगु समाचार न्यना तै
त गु दुगु लुमंका थथे मती तल । थ्व ब्राह्मण यात जि
अन मिया, घेवा कया बिया छुवे माली धका व ब्राह्मणयात
धिरज बिया, मूळ्य्या जुया च्वंगु मजुइका, व ब्राह्मण यात
थः नापं बोना यंका, व वज्र मकुट देशया जुजुयात थगु
शरीर मिया, दां कया ब्राह्मण यात बिया छोट ।

अले व सर्वज्ञ मित्रयात सच्छि व न्हेझ (१०७) मनू
न्याना कुनातः थाय् दुत छोट । जुजुया मन संतोष जुया
फन्हे हे जिगु मनोकामना पुरे याय् माली धका मत्ती तया
च्वन । अन मेले सर्वज्ञ मित्रयात सच्छि व न्हेझस्यां,

का का भीगु काल न्हाका वः ष्ण मुण्डक, साधु छुल्ल बल,
 आःभीत कन्हे हे स्याइगु जुल धका कोलाहल याना,
 सकलें रुवा वामि याना सराव विल । जथा भावि धाल ।
 व खँ न्यना सर्वज्ञमित्र या चित्तं नह यानां सह याय्
 मफुत । छुल्लसिगु उपकारं याना साँछ्छ व न्हेल्लसिगु अप-
 कार जुइगु जुल । थव धन यागु नामं याना थुगु आपत्ति
 जुल । आ सुनां जक थुगु आपत्ति रत्ता याना तरे याना
 बी । थव साबहे तःधंगु आपत्ति पड़े जुल धका मने साव
 घन्दा व सुर्त्ता कया आः धन थव आपत्ति तरे याइम्ह
 सुदै धका विचार याः बले व सर्वज्ञ मित्र यागु चित्ते
 आर्यतारा धैगु नांया स्मृति उदय जुया, आः थुगु आपत्ति
 आर्यतारां जक सिबाय मेपिं सुना नं हे तरे याय् कैमलु ।
 आःजिथ्वहे आर्यताग पुकरे याय् माल धका, सर्वज्ञमित्रं
 प्राणिया उपरे तच्चोगु मैत्री भाव पूर्णयाना, भेले दुने च्वना
 स्रग्धरा छन्दं बालाक्का धैगु स्तोत्र चिना प्रार्थना यास्यलि
 आर्यतारा यागु गुण प्रकाश मजुस्य भगाना, गथ्ये सन्सार
 यागु अन्धकार फुकेल बाल रूपी मूर्ख उदयाचल पर्वतं
 उदय जुल व थ्येतुं सर्वज्ञ मित्र यागु चित्ते आर्यतारा
 यागु ज्ञान उदय जुया थथ्ये धाल ।

कन्हे छिमित जुजुं स्यायत यंकीबले छिमिसं जुजुयात
 थथ्ये प्रार्थनाया कि जिपिं सकलें थव भेले च्वंच्वनागु

ताहे दये धुंकल । थनं तुं नया थनं तुं मलमुत्र आदिं त्याग
 याना च्वनागुलिं जिमिगु शरीर फोहर जुया न वया
 च्वन । छुः पिनिगु शुद्धगु ज्या यायत् न्हापा लाक जिपिं
 सकसितं छुको शुद्ध सफा जुइक मोल्हुका शुद्ध पवित्र
 जुईका जुजुया याय् माःगु कार्य यात धाःसा साव हे ज्यू
 धका धाः धैगु थुगु ज्ञान सर्वज्ञ मित्र यागु चित्ते उदय
 जुया धास्येलि अले वं अन सकसितं वहे खँ न्यं कल ।
 तर व खँ गुम्ह गुम्ह स्यां पत्याः यात । गुम्ह गुम्ह स्यां
 पत्याः मया ।

इपिं सकसिनं बल्ल बल्लं चा काते यात ।

कन्हे खुनु सुथे जुजुं सिपाहित छोया सकसितं
 कायेके हल । इपिं सकल्ले बोना यंका जुजुया न्छाने तय्
 यं कल । इपिं सकसिनं जुजुयात थथे विन्ति यातः
 जिपिं बंधनागारे च्वं च्वनागु ताहे दत्त । अकिं जिमिगु
 शरीर मल मुत्रं अपवित्र जुया च्वन । जिपिं सकसितं छुको
 मोल्हुका शुद्ध पवित्र याना, सरकारयागु शुद्ध, पवित्र
 गु मनोक्रामना पुरा याना विज्यासा जिपिं नं शुद्ध जुइ ।
 छुपिनिगु कार्य नं शुद्ध, पवित्र जुइ धका सकसिनं विन्ती
 यात । जुजुं नं खः धैगु भापा, कासा थुमित पुखुली यंका
 मोल्हुका इति धका सिपाहित नापं पुखुली मोल्हुके छोट ।
 अन थँका सर्वज्ञ मित्रं धाल छद्म छद्म याना मोल्हुया च्वनेव

सावहे ताऊमाली । सकलें लुकोलं गोटामारे याना मोल्हसा
याकनं सिधें धका, सकसिनं लं तोता लुकोलं पुगुली क्वाहाँ
बना सकसियां पालाक लखे गोटा मारे यात । लख्य् दुबे
ज्वावं इपिं सकलें थः थः गु छेँ छेँ हे थ्यन । थ्व गठि
मुनां थुइके फै ? प्रज्ञावानझसिनं जक थुइके फै । (थन या
शब्दजाल झसीके माल)

मुनां थ्व शब्द जालया ईश्वर यात विस्वास तइ
मखु । आत्मायात नित्य खनी मखु । छुं ग्रन्थयात नं
विस्वास तै मखु । चतुर्वर्ण धर्म यात कर्म माने मयास्य
जन्म माने यागु अधर्म अत्याचार पाप धका खंका तो तै ।
बयात हे प्रज्ञा दुन्न सम्येक दृष्टि दुन्न धाइ ।

मोल्हू थाय् पिवा च्वंपि सिपाहि तय्सं इपिं लखं
थाहाँ मवगुलिं लखे क्वाहाँ बना स्व वं बले छम्ह हे मदें
च्वंगु खना आश्चर्य जुल । आश्चर्य नाप नापं इपिं सकलें
ग्यात । आः थ्व हे सकसिगुं लँ मुना जुजुयात बुझे याना
बी यंके माली धका मती तया लँ मूवं बले, लँया दुने
दुने गुलि गुलि इपिं न्याना तःपिं खः उलि-उलि हे दां इमि
इमिगु लंया दुने दुने हे दै च्वंगु जुया च्वन । दाँ व लँ
यंका जुजुया न्हने तया, हाल व्याक न्यंकू बले जुजुं
मने विचार याना स्वत । थ्व छु धँगु आश्चर्य जगु
जुइ धका मने विचार यात ।

अवस्य नं ध्व ज्या दकसिवे लिपा वम्ह मुण्डकम्ह
 साधुयागु ज्या खः । ध्व साधुं ला जिगु उपरे व सच्छि व
 नेम्ह सिगु उपरे तचोकं करुणा व क्रिपा तया यागु उप-
 कार खः । आ ध्व साधुयात जि गन बना लुइके फै धका
 मती तल । जुजुया बिचा व साधु लुइका, वयागु शरण का
 बने । धका मने तया राजपात फुक्कं त्याग याना सर्वश
 मित्रयात मा बने धका साधु मेष कया राज्यं पिहाँ बन
 धैगु खँ दु ।

आ धन आर्यतारा या बारे सुया सुया छु छु बिचार
 दै सम्यक् व मिथ्या ध्व भावे गुकथं सीके फै बिचार याना
 सीके मा । शब्द जाल धैगु सीकेत साब थाकु ।

आर्य तारा धैगु या अर्थ नि सीकि । धो ला कि
 शान । आर्य धैगु छु खः ? तारा धैगु छु खः । अस्तोत्तर
 शतक तारा सनां पाठ याय् गुत्ती, पोतलक पवंत यागु
 धाःसा साब बांलाक अर्थ प्रकाश याना क्यना तल । सच्छि
 व च्यागू प्रकार या गुणं सहित गु, सर्वभयं नं मुक्त याना
 यंका तःगु, आर्य तारा या नांयागु गुण, अर्थ प्रकाश याना
 क्यना मतः ।

आर्य्य तारा धैगु या सच्छि व च्यागू गुणया नां

१. कल्याणी = कल्पे कल्पे प्रकट जुया संसार दाहयाइगु
अग्निध्यं सम्पूर्ण पाप यात दाह याईगु ।
२. महातेजा = संसार व्यापक ज्वीक आपालं तेज दुगु ।
३. लोक धात्री = लोकपिन्त पालन पोषण यायेगुलि उप-
माता तुल्यगु ।
४. महायशा = आपालं कितिं दुगु ।
५. सरस्वती = अविद्या यात फुकेगु, सुविद्या स्पनीगु ।
६. विशालाक्षी = विश्वव्यापकगु मिखा दुगु ।
७. प्रज्ञा = ज्ञान बीगु ।
८. श्री = ऐश्वर्य्य बीगु ।
९. बुद्धिबर्द्धनी = बुद्धि बढे याना बीगु ।
१०. धृतिदा = धैर्य्य बीगु ।
११. पुष्टिदा = पोषण याइगु ।
१२. स्वाहा = सुद्ध स्वरूपगु, निश्चल स्थिरगु ।
१३. ओंकारा = ओंकार स्वरूपगु ।
१४. कामरूपिणी = सकल ज्याया स्वरूपगु ।

१५. सर्वसत्त्वहितोयुक्ता = सकल सत्त्वप्राणिपिन्त हित सुख
यायुगुलि उचित कर्म याईगु ।
१६. संग्रामोत्तारणी = संग्रामं जिते याना (उत्रे) यायेगु ।
१७. जया = प्राणिपिन्त जय याईगु ।
१८. प्रज्ञापारमिता = प्रज्ञापारमिता ज्ञानं पूर्णगु ।
१९. देवी = प्राणिपिनिगु इच्छा पूर्ण याईगु ।
२०. आर्यतारा = सकलयागु तःधंगु दुःख कष्ट तरे यायेगु ।
२१. मनोरमा = सकल प्राणियागु चित्तयात येका कायेगु
शक्ति दुगु ।
२२. दुन्दुभि = नगरा समानगु शब्द जूगु ।
२३. सङ्खिनी = शङ्ख पुष्प समानगु ।
२४. पूर्णा = सकल ज्याखँ पूर्णगु ।
२५. विद्याराज्ञी = विद्याया राजागु ।
२६. प्रियंवदा = लोकपिन्त स्नेह पूर्वक खँ ल्हाईगु ।
२७. चन्द्रानना = चन्द्रमा समानगु चेहरा दुगु ।
२८. महागौरी = भरखरया उमेरगु ।
२९. अजिता = गबलेसं मञ्जीगु, हटये मञ्जीगु ।
३०. पीतवाससा = ह्यासुगु वस्त्रं पुंगुया स्वभावगु ।
३१. महामाया = आपालं दया दुगु ।
३२. महाश्वेता = कसिंगर छुं मदुगु ।
३३. महाबल = आपालं बल दुगु ।

३४. पराक्रमा = वीर्यं दुगु ।
 ३५. महारौढी = अत्यन्त ग्याना पुगु ।
 ३६. महाचण्डी = दुष्टता या नितिं तत्तु नोगु क्रोधगु ।
 ३७. दुष्टसत्त्वनिषुदनी = दुराचारी प्राणिपिन्त शोषण याइगु ।
 ३८. प्रशान्ता = प्राणिपिनिगु भय दुःख शान्त याइगु ।
 ३९. शान्तरूपा = शान्त स्वरूपगु ।
 ४०. विजया = सकल प्राणिपिन्त जय याईगु ।
 ४१. ज्वलन प्रभा = अति उज्ज्वलगु तेज दुगु ।
 ४२. विद्युत्माली = विजुलि थें चम्के जूगु ।
 ४३. ध्वजी = धर्मया ध्वजा स्वरूपगु ।
 ४४. खड्गी = दुष्ट संहार यायेत खड्ग स्वरूपगु ।
 ४५. चक्री = चक्र स्वरूपगु ।
 ४६. चापोद्यता = धनुक थें ताने याइगु ।
 ४७. आयुधा = अकालमृत्यु छेदन यायेत शस्त्र स्वरूपगु ।
 ४८. जम्भनी = दुराचागीनायकपिन्त जडता याईगु ।
 ४९. स्तम्भनी = मारसैन्यगण पिन्त रोकये याईगु ।
 ५०. काली = अघम यात काल स्वरूपगु ।
 ५१. कालरात्री = विघ्न-विनाशकया कालरात्री समानगु ।
 ५२. निशाचरी = रात्री उदय जुया अन्धकार नाशयाम्ह चन्द्रमा समानगु ।
 ५३. रक्षणी = प्राणिपिन्त रक्षा यायगु ।

५४. मोहिनी = सकल यात मोह यायगु ।
 ५५. शान्ता = उपद्रव शान्त यायगु ।
 ५६. कान्ता = लोकया मन हर्ष यायगु ।
 ५७. अरिद्राक्षिनी = शत्रुगणपिन्त दवे यायगु ।
 ५८. शुभा = सर्वथा कल्याण यायगु ।
 ५९. ब्राह्मणी = कुशलगु कार्ये उत्साह बीगु ।
 ६०. वेदमाता = बालकपिन्त सत्कर्म स्यने कनेगुली मां
 स्वरूप जुयाच्चंगु ।
 ६१. गुह्यराट = गुह्यया राजा जुयाच्चंगु ।
 ६२. गुह्यवासिनी = खने मदुगु थासे वाम यानाच्चंगु ।
 ६३. मांगल्या = सर्वत्रेसं मंगल याना च्वंगु ।
 ६४. शाङ्करी = कल्याणरूपी बन्धन जुयाच्चंगु ।
 ६५. सौम्या = आनन्द दायकगु ।
 ६६. जातवेदा = पापरूपी चुलियात नाशयाइगु ।
 ६७. मनोजवा = अकुशल कार्ये मन यागु वेग लिचिकैगु ।
 ६८. कापालिनी = कल्याण दायकगु ।
 ६९. महावेगा = आपालं वेग दुगु ।
 ७०. सन्ध्या = सन्ध्याया स्वरूपगु ।
 ७१. मत्या = सत्य स्वरूपगु ।
 ७२. अपराजिता = सुनानं बुके मफुगु हटये याये मफुगु ।
 ७३. सार्थवाह कृपादृष्टि = सार्थवाहपिन्त दया तथा स्वेगु ।

७४. नष्टमार्गप्रदर्शनी = लै मखंपिन्त लै क्येना बीगु ।
७५. वरदा = आर्य जातियागु इच्छा पुरेयाय् गु ।
७६. शासिनी = दुराचारी जनपिन्त शासना बीगु ।
७७. शास्त्री = प्राणिजनपिन्त दुःखं उत्रे याय्गु ।
७८. स्त्रीरूपा = सकल प्राणिया प्रेम स्वरूपगु ।
७९. अमितविक्रमा = गवलेसं मफवीगु वीर्यदुगु ।
८०. शवरी = कालगति क्यनीगु ।
८१. योगिनी = योग ध्याने अभ्यास दुगु ।
८२. सिद्धा = सकल कार्य सिद्ध जुइगु ।
८३. चण्डाली = क्रोध नाश पायेगु, तँफीगु ।
८४. अमृता = अमृत तुल्यगु ।
८५. ध्रुवा = अचलगु ।
८६. धन्या = प्रशंसा पूर्णगु ।
८७. पुण्या = आपालं पुण्यया प्रभाव दुगु ।
८८. महाभागा = तथंगु भाग्यवानगु ।
८९. शुभगा = कुशल गढे ज्योगु ।
९०. प्रियदर्शना = प्राणिपिन्त प्रेमपूर्वक स्रै च्वंगु ।
९१. कृतान्त त्राशिनी = कालपुरुषपिन्त त्राशवीगु ।
९२. भोमा = भयङ्करगु ।
९३. उग्राउग्र = ग्यानापुगुलिनं महाग्यानापुगु ।
९४. महातपा = तच्चोकं दुष्करचर्यागु ।

६५. जगदेकहितोयुक्तो = लोक दक्क हित यायगुलि सम्मि-
लित जूगु ।
६६. सरण्या = दुःखिजनपिन्ति शरण कायगु ।
६७. भक्तवत्सला = उपासकपिंके दयादुगु ।
६८. वागिश्चरी = वचनया मालिक जूगु ।
६९. शिवा = कल्याणगु ।
१००. शूमा = खंके मफुगु ।
१०१. नृत्या = प्याखँ या स्वरूपगु ।
१०२. सर्वत्रमातृका = सर्वत्रेसं मातृका बालकपिन्ति पालन
पोषण याइपिं मां या स्वरूप जुया च्वंगु ।
१०३. सर्वार्थसाधनी = सकल सम्पत्ति साधना ज्वीगु ।
१०४. भद्रा = मंगल याइगु ।
१०५. गोप्तीघात्री = खने मदेक पालन पोषण याइगु ।
१०६. धनं ददा = धन, द्रव्य बीगु ।
१०७. अभया = ग्याय्मते ग्यायमते धका अभय बीगु ।
१०८. गौतमी = सकलसत्त्व प्राणिपिन्ति पालन पोषण
याइगु ।

— —

श्री मल्लोके श्वरात्मजा-थुलि

श्री मल्लोकहितैषिया आत्मा-प्रकट जूगु “आर्य्यतारा”
धैगु या अनन्तगुण सहित जुयाच्चंगु सच्छि व च्यागू नां
सकलयागु आशा पूर्ण याना च्वंगु थ्व सच्छि व च्यागू
अनन्तगु ज्ञान यात द्यो याना आर्य्यतारा द्यो पूजा यायेगु
धका अनेक विधिविधानं पूजाया सामग्रादि दयका संसार
यागु दुःखं तरे जुया मोक्ष यागु फल लाये धका आशिका
याना पूजा यानाच्चन । व पूजा मोक्षफल बीम्ह द्योवं न
काई, न बी । संसार रूपी सागर समुद्रे पतन जुया चाः
चाः हिला दुःख सी मालीगु प्रवृत्ति ज्ञानं एक काइगु बीगु
सिवाय थ्व संसार यागु दुःख तरे याना मो । वनेगु निवृत्ति
ज्ञानं ला काइनं मखु बीनं मखुगु पक्का पक्का खः ।

आः थुकी भीसं तारा द्योया मूर्ति दयका द्यो याना
क्यना, तारा पूजा यायेत थुगु-थुगु विधि थुजो थुजो गु
जोलं माः धका विधि दयका पूजा याना च्छने गुलि उपकार
जुइगु ला कि सर्वज्ञ मित्रर्थे सर्वत्याग याना सकल प्राणि
पिंके मैत्री पूर्णगु भाव तया पर उपकारे वनेगुलि उपकार
जइगु ? थयो थयोगु शब्द जाल दयेका, सकसिनं खंगु

તોપુયા મિથ્યા વિચારે લાકા ઘો પૂજાયના ચ્વનેગુ । ધ્વ તારા પૂજાયાય્ત વા મેપિં ન્હામ્હં ઘો પૂજા યાય્ત નં ।

બોને માગુ બોના વયા ચ્વંગુ ધ્વ હે ગુરુમણ્હલ સ્વઃ ।
 ડકીયા માવ છું ઘવંકાઇગુ લા કિ, ઘોયાત વીગુ ડકી બોના-
 ગુયા માવ ઘોવં કાઇગુ નં મસ્તુ ઘોયાત વીગુ નં મસ્તુ ગુરુ-
 મણ્હલ ધૈગુ સર્વત્રૈસં ઉપકાર જુઇગુ ગુણ દૈ ચ્વંગુ । ચિત્ત =
 મન થંકે દયેકા દયેકે માગુ જક સ્વઃ । ઘો પૂજા યાય્ગુ
 માવ ગન હુ ? ઘો ધૈમ્હ, મીગુ કાર્યક્રમે જક ઉપસ્થિત
 જુઇમ્હ સ્વઃ । મીસં ગયે યાત અયે હે ફલ વિયા ચ્વમ્હ ધકા
 જક ધાગુ સ્વઃ । મી સકસિતં વ સર્વજ્ઞ મિત્રં ત્યાગ યાર્થે,
 પર ઉપકાર યાર્થે યાના વંસા વ આર્યતારા મીત દૈલા ફી
 મદૈ ? આમીસં ઘો ધકા પૂજાયાર્થે અને અનેગુ વિધિ-વિધાન
 દયેકા નયા ત્વના ચ્વનેગુ પુજાં આર્યતારાં મીત તરે યાઇલા
 ફી વ સર્વજ્ઞ મિત્રં વિચારં સ્વંકૂ થે સ્વંકા ત્યાગયા શક્તિ
 દયેકા પર ઉપકારી જુયા જૂઠાસિત વ આર્યતારા દૈ ?

સર્વજ્ઞ મિત્ર ધાગુયા અર્થ સર્વત્ર જસુ લાગુ જ્ઞાનયા
 પ્રેમિજ્ઞ પુરુષ ધાગુ સ્વ । ધ્વ સર્વજ્ઞ મિત્ર યાગુ ચાલં છપુ તયા
 આર્ય તારા ધૈગુ નાં યાત ઘો યાના મી સકસિતં શબ્દ
 જાલં ક્યંકા જ્ઞાન વાદી તોપુયા ईश्वर વાદી થંકેત લૈપુ
 દય્કા યંકા તઃગુ શબ્દ જાલયા લૈ સ્વઃ । બાંલાક ધ્યાન
 તયા સ્વયા દિસે । ધ્વ દક્ક ધર્માધિકારી જુયા ચ્વંવિનિગુ

स्वार्थ पुरे पायत दय्का हःगु शब्द जाल खः । ध्वग्गीगु
 कल्पना उठे जुया च्वंपिं मिसात व्याहा याना प्रज्ञा उपाय
 धका, प्रज्ञायात मिसा याना प्रज्ञापारमिता ज्ञानयात,
 मूर्तिदय्का योग चर्या स्थंका महायान धका सक्ति तै
 च्वंगुलिं मचात सन्तान यको दया सम्यक ज्ञान तना,
 मिथ्यागु ज्ञान जुया मूर्ति पूजा पायगु, विधि विधान
 दय्का, सकलसितं मिथ्या भावे लाका, शब्द जाले क्यंका,
 गुरु चेला निहं दुःखया अन्त मदय्का च्वंगु खः । शब्द
 जाल दय्का हगिसं फुक ज्ञान, मूर्तिई तथा, बाह्य पूजा
 याना, पूजा याका च्वंपिं धुजोपिं आचार्यतय् गुरु चेला
 निहंसितं धिकार । इमिगु शब्द जाले तक्पना च्वंपिं
 प्राणिया उपरे महा करुणा तथा च्वंगु थव सफू खः ।

प्रज्ञा धैगु थःगु ज्ञान खः ।

उपाय धैगु थःगु काय कर्म खः ।

नाम व रूप जोरे जुया मिहाँ वगु संसार खः । थुकी
 अनित्य, दुःख व अनात्म रह मसूगु अविद्या तोपुइका,
 गुरु-चेला निम्हं छु छु जुया च्वन ज्वी ? ज्ञान रूपी मिस्त्रा
 कना स्वया दी धैगु च्वम्हसिया आशा खः ।

(नमो बुद्धाय)

—

निगू शब्द

थो सफू महा चीने पञ्च श्रीर्ष पर्वते वना महा
मंजुश्री धैग पञ्च तथागत या ज्ञान वैरोचन, अक्षोभ्य,
रत्न सम्भव, अमृताम, अमोघ शिद्धि न्यागू ज्ञान या मूर्ति
यात केना मंजुश्री धैग थो हे घका कना क्यन । उखुनुं
निस्स्ये पञ्च बुद्ध या नाम धारणी अपरमिता या नाम
धारणी पाठ या यां व मूर्ति ज्ञान या चिं विया तःगु जक
खः । दो मखु धैगु बांलाक यथार्थ बोध जुल । उबले ईश्वर
हसीकि धैगु सफू पिकया वयां लिया गुरूमण्डल या
भावार्थ पिकया । अनंलि सुयागु धर्मसत्य ख धैगु सफू
प्याहाँ बल । आ ध्व आर्यतारा प्रकट याह्न सर्वज्ञ मित्रया
बाखं व सम्यक संबोधि ज्ञान दर्शन धैगु सफू चवया ।
पुकिया बारे सकल महानुभाव पित्त जिगु निवेदन दु कि
सुया सुया, छु छु विचार दै मिले जू मज्जुगु बारे सचे याय्
मा थाय सचे याना विज्याई दी धैगु जिगु निवेदन दु ।
न्हागु याना नं थो मिथ्यागु शब्द जालं छुतय् जुया छुतय्
याना चोनेगु हे मानव जातिया धर्म व कर्म ज्वीगु ख ।
सुमुक जक चोनां फल छु दैगु मखु शुभम् ।

नमो बुद्धाय ।

—मिच्छु धर्मालोक

संम्यक्सम्बोधि ज्ञान दर्शन

—:—

नमः कल्पना जाल मुक्तये ।

विधृत कल्पना जालः गम्भीरोदार मूर्चये ।

नमः समन्त भद्राय निष्प्रपञ्चाय ते नमः ॥

कल्पना जालं मुक्तजूया थाःगाः मदुग् सर्वत्र व्यापक-
गू मूर्ति जुया सर्वथा कुशलयाना, व-ध्व जि-जिगु धैगु
भेदभाव छुं मदुक्क निष्प्रपञ्चायत नमस्कार ।

अयं भवं जगल्लोकं कल्पनैव समुद्भवं ।

तत्सर्वं शून्यता रूपं स्कन्धायतन धातवः ॥

ध्व सन्सार जगत् लोक, कल्पनाजक हे दुगुखः मेतां
दुगुमखु । ध्व फुक शून्यता, रूपादि स्कन्ध, आयतन,
धातु आदि ।

कल्पना कुशलं धातु कुशल,

कल्पना अकुशलं धातु अकुशल,

मुख्य धातु प्यंगू ४ दु ।

१. पृथिवी (पृथ्वी)

२. अप् (लः)

३. तेज (मि)

४. वायु (फे)

बहे नया-त्वना प्याहाँ वया दै च्वंगु रूप (शरीर)
 प्राणि ज्वीगु विज्ञानं मांया प्वाथे नाम-रूप धैगु, ज्ञान व
 रूप मिलेजुया चुलिजाया वैगु वःगु, हेतु प्रत्यय जुया
 विज्ञान प्याहाँ वः गुलियाःना, आलय विज्ञान ज्वीगु जुया,
 न्हागुं दयालि फुना च्वंच्वंगु जूयानिम्ति, थुजोगु छातं अन्न
 फल-फूल वृत्त इत्यादि आध्यात्मिक प्रतीत्य समुत्पाद जुया
 च्वंच्वंगुया न्यागू ५ कारण दैचन । छु छु धाःसा—

१. नित्य मज्जुगु,

२. छिन्न मज्जुगु,

३. मेगु स्थाने लगे जूवनिगु,

४. चिकीचाधंगुलिं आपाः दै वैगु,

५. वथ्ये जागु हानं लिपा दै वै च्वनीगु,

थ्व प्रतीत्य समुत्पाद धैगु सदाकालेसं जीव मदुगु,

प्यंगू ४ धात्वी विज्ञान संगम जूगुलिं गथ्ये ज्वीमागुसः
 अध्यहे दै वैच्वनीगु ।

व स्वभाव बदले मज्जीगु उल्टा जुयानं स्यना मव-
 नीगु उत्पत्तिनं मज्जीगु, सुनानं दय् कुगुनं मखुगु, छुकीसं
 तः क्यनीगुनं मखुगु, अरेनं मज्जीगु, फवीनं मदुगु, फुनानं
 मवनीगु स्वभाव जुया च्वंगु धका गबले ज्ञानं बांलाक
 खनी, अबले हे तिनि नित्य मज्जुगु धकानं छसी । छिन्न
 मज्जुगु धकानं छसी । मेगु थासे लगे जूवनीगु धकानं

हसी । भतीचाया आपाः दैवैगु धकानं हसी । बर्थ्येजागु
लिपानं दै वै च्वनीगु धकानं हसी । अबले हे तिनि काम,
क्रोध, लोभ, राग, द्वेष व मोहनं त्वः तै, व त्वः तुगु
हे तिनि, हस्युगु ज्वी । वं हे तिनि कुशल कल्पनायाना
घातु कुशल ज्वीका प्रतीत्य समुत्पाद कुशल याना च्वनेगु,
च्वनीगु, खनी, खंकी । गथ्ये धाःसा—

शुद्धेसं शुद्धगु, चिकिधनेसं चिकीधंगु, शान्तेसं
शान्तगु, 'दान्त' त्यागेसं त्यागगु जुया, अपरमितगु ज्ञानं
(जन्म-जग-व्याधि-मरण) रोग यात छुखे अलग तथा,
न्यागू ५ ज्ञान यात खनी ।

न्यागू ५ ज्ञान छु छु धा सा --

१. सुविशुद्ध धर्मघातु ज्ञान यात, वैरोचन ज्ञान
धका खनी ।

२. आदर्श ज्ञान यात, अक्षोभ्य ज्ञान धका खनी ।

३. प्रत्यवेक्षण ज्ञान यात, रत्न सम्भव ज्ञान धका खनी ।

४. समता ज्ञान यात, अमिताभ ज्ञान धका खनी ।

५. कृत्यानुष्ठान ज्ञान यात, अमोघसिद्धि ज्ञान धका
खनी ।

ध्व न्यागू ज्ञान जुया च्वंगु यात स्वया, सीका,
दिव्यचक्षु दयका खंका, मैत्री, कल्याण, मुदिता, उपेक्षा
सर्वत्रेसं तथा सुयां छु' फरक मवुगु तच्च सीका खंका,

सकल मत्त्वयां समानगु दुःख ह्यसीका व दुःख फुक्येगु
फुकावीगु ज्याये हर्ष-सुख ताया च्वनेगु, चतुर्त्रह विहार खः ।

ज्वनेगु पदार्थं छुं दैगु दुगुमखुगु धका धैगु प्रज्ञा
ज्ञानं आलय विज्ञान धैगु यात बांलाक खंका, ह्यसीका,
स्कन्ध, आयतन, धातु भिं च्यागू (चक्षुरूप, चक्षुविज्ञान,
श्रोत-शब्द श्रोत विज्ञान, घ्राण-गन्ध, घ्राण विज्ञान, जिह्वा-
रस, जिह्वा विज्ञान, काय-स्पर्श, काय विज्ञान, मन धर्म
मनो विज्ञान) थ्व भिं च्यागू, उपादान-चित्तयागु व्यापार
समूह जुया दै वै च्वंगु, संसार यात, अनित्य दुःख-अनात्मा
धैगु खंका, ह्यसीका त्वः तेगु हे सम्यक दृष्टि १, सम्यक
संकल्प २, थ्व निगू यात हे प्रज्ञा (ज्ञान) धका धाई ।

सम्यक वाक्य १, सम्यक कर्म २, सम्यक आजी-
विका ३, थुकि यात हे जक शील धका धाई ।

सम्यक व्यायाम १, सम्यक स्मृति २, सम्यक
समाधि, ३ थ्वस्वंगू यात हे समाधि धका धाई । थ्व च्यागू
८ या प्रज्ञानिगू २, शील स्वंगू ३, समाधि स्वंगू ३,
थुकि यात आर्य-अष्टांग-मार्ग धका धाई ।

थुकि हे तिनि जन्म जरा-व्याधि-मृत्युं, छुतये जुया
निर्वाण पदवी बनेगु मार्गे (लैप्वा) ध्यनीगु, खर्नीगु खः ।

चाहे महा यान उरीमा, चाहे थेरवादी (हीन यान)
ज्वीमा, न्हागु यान जूसां थ्व हे आर्य-अष्टांगिक मार्ग

विनां निर्वाण यागु लँप्वी ध्यनीगु, दुःखं मुक्त ज्वीगु लँ मेगु मदु ।

विचार याना स्वेगू

श्रावक बोधि-चित्त-चेतसिक यागु रूपयात निर्णय जुया, अर्थात् पञ्चोपादान स्कन्ध निरोध जुयेव, मेगु छुं स्वै च्वने माःगु मस्तुत धका थः छुह्न अर्हत् जुया, निर्वाण प्राप्त जुया च्वंगु ज्ञान जुल ।

थुगु खँ गथ्येधाःसा—चिकं इता रूपि कर्म फवीवं मतसिना वनीगुध्यै व मतया तेज (प्रकाश) न पृथिवीले वन, न आकाशे वन, न गनं दिशा विदिशास वन, गनं वंगु-च्वंगु निस्सा प्रमाण मदु ।

वध्यै तुं क्लेशरूपी अविद्या क्षय जूह्न पुद्गल-पुरुष या कर्म व संस्कार फुस्येलि विज्ञान रूपादि पञ्चोपादान स्कन्ध न्यागू नाश जुया, हानं जन्म ज्वीगु आलय विज्ञान या बीज हे मदया अर्थ्ये हे निर्वाण जुया वनी धैगु, श्रावक बोधिया सिद्धान्त खः ।

महायान सम्यक्सम्बोधिया पञ्चोपादान स्कन्ध मदयेधुंका, गुगुं कालेसं नाश मज्वीगु पञ्च ज्ञानयात सीका, खंका, तथता धैगु, तथागत ज्ञाने च्वना दिव्य चत्त्वं स्वया, चतुर्ब्रह्म विहार धारण याना प्राणिया उपरे महाकरूणा तथा, संसारिक दुःख शून्य मज्जुतले असंख्य कल्पतकं

प्राणिपिन्त हित-उपकार याना च्वं च्वनेगु हे अपरमित
पुण्य महापरि निर्वाण खः । श्वयासिनं तः धंगु म्येगु
मदु ।

निर्वाण धैगु व संसार धैगु निगूनं दुगु मखु । उकि-
यागु विशेषे संसारयागु रूप-रेखा सीका चर्या याना
च्वनेगु हे महापरि निर्वाण खः ।

नमो बुद्धाय धैगु न्यागः आखलं धाः । बुद्ध ज्ञान
सदा कालेसं दयका च्वनेमा ।

श्व फुक् चित्तयागु कल्पना मात्र खः । गुह्य सम्यक
ज्ञान दुह्म ज्ञानि मिथ्या-अकुशल कल्पना फुका, सम्यक
ज्ञानं कुशल कल्पना याना कुशल धातु ज्वीका, कुशलगु
संसार दयका च्वनी ।

गुह्य सम्यक ज्ञान मदुह्म अज्ञानि मिथ्या ज्ञानं अकु-
शल संसार दयका च्वनी । अथ्ये मदैगु जूसा, कुशल-
अकुशल धैगु दैहे मखु ।

गुह्य ज्ञानि कल्पना यागु जालं मुक्तज्वी । उह्म ज्ञानि
हे तिनि महापरि निर्वाणयागु पदवी ध्यनी ।

स्वयादिसँ श्वीकादिसँ, स्वभाव धर्मया लक्षण ।
गुथाय तक खालि दै, उथाय तक वायु दै च्वनीगु वायु दै
च्वतले प्यंगू ४ महाभूत । वायु, अग्नि, जल, पृथिवी । दै
च्वनी । थुलि दैच्वतले प्रवृत्ति-निवृत्ति दै हे च्वनी । थुको

सूक्ष्मेसं-सूक्ष्म, स्थूलेसं स्थूल जुया अन्त मदै च्वंगुयात्,
 उत्तमगु मन-चित्त-चैतन्य सर्वत्र दुःखं पारं गत जुयाच्च्वंगु
 प्रज्ञापारमिता (शून्यता) धर्म । वैरोचन ज्ञानं सीका-
 खंका, स्वयम्भू-ज्योतीरूप आदि बुद्ध धर्मधातु वागीश्वर
 वाक्यं हे जक उपदेशं हे जक सीके खंके फँगु ज्ञान जुया,
 सूक्ष्मेसं सूक्ष्म, शान्तेसं शान्त, दानेमं-दान जूयानिति
 निरालम्ब, निराकार जुया च्वंगु ज्ञानजुया, निर्वाण धैगुलिं
 छुं हेमन्तनं धाये फँगुमखु, दु धका वथने फँगुनं मखु । पुण्य
 बमला पिसं प्रज्ञाया बलमदुपिसं सांके, खंके; ध्वीके थाक्की
 घका धर्म चक्र सूत्रे छुं प्रमाण विद्या तैतःगु दु ।

(बुद्धया गुण गुंगू ६ ब्वना स्वेवं हे प्रज्ञावान् आपालं
 पुण्यया प्रमाव दुपिसं ध्व पञ्च ज्ञान बोध जुया, स्वयम्भू
 ज्ञान ध्वीके फँगु खः । साधारण मनुखं ध्वीकेत थाक्कु ।
 विद्या व आचरणे कोसीस पुरे ज्वीव मसीगु, भध्वीगु
 ज्ञानला मखु ।)

शुक्थं पञ्चोपादान निरोध जुया मदै वने धुंक्कुस्येलि,
 पञ्चज्ञान दिव्यचक्षं खंका धारणा याना, सुविशुद्ध धर्म-
 धातु ज्ञान दयका च्वंगु वैरोचन घका धाःगु खः ।

आदर्श ज्ञान-अक्षोभ्य ०...;
 प्रत्यवेक्षणा ज्ञान-रत्नसम्भव ०...;
 समता ज्ञान-अमिताम ०...;

कृत्यानुष्ठान ज्ञान-अमोघसिद्धि ०''',

ध्व प्यंगू ४. महाज्ञानया काय जुया, मैत्री, करुणा,
मुदिता, उपेक्षा ध्वप्यंगू ४. ब्रह्मचर्या, धारणा याना,
लोक उद्धार याना जुयाच्चंगुयात, पुण्य-पुण्य, महापुण्य,
अपरमित पुण्य, अपरमितायु पुण्य । गुगु कालेसं मफवीगु
पुण्य, जुया च्वंगु, ज्ञान सम्भार पुरे जुया, जन्म-जरा-
व्याधि-मरण यागु रोगं, 'दु.खं' मुक्त जुया च्वंगु, यात हे
महापरि निर्वाण धका धाःगु खः । ध्वहे माहायान
सम्यक्मम्भोवि ज्ञानया परिनिर्वाण खः ।

मंजुश्री धका धाःगु, उत्तम, निर्मलगु चिरं सीके खंके
माःगु खः । पञ्च तथागतपि दृष्टान्तरूपं दर्शन विया
क्यना तःगु दु । वैगोचन, अज्ञोभ्य, रत्नसम्भव, अमिताम,
अमोघसिद्धि । धुमिगु मुद्राया आकारं हे सीदु
तथा खनेदु ।

ज्ञान मुद्रा, भूमिस्पर्श मुद्रा, अभय मुद्रा,

ध्यान मुद्रा, धर्मचक्र मुद्रा ।

ध्व मुद्राया आकारं हे सीदु ।

मैत्री, करुणा, मुदिता, व उपेक्षा ।

प्यंगू ४. धातु दैव्वंतले संसार व निर्वाण गवलें
फवी धैगु दैगु वुगु मखु । संसार दतले दुःखदै हे च्वनी ।

अप्रतिष्ठित निर्वाणः महारागाऽक्षर प्रभू ।

विरागादुच्यते सौख्यं सः निर्वाण प्रतिष्ठितः ॥

- १) निर्वाण पदवी मच्च्वंक्ष, प्राणिया उपरे अमरगु प्रेम या अधिपति जुया, रागंरहितगु सुखे विभ्रामयाना च्वंक्ष गुह्यत्वः वहे महापरिनिर्वाणिया पदवी ध्यंक्ष, च्वंक्षजवी । थुगु ज्ञानं विना मेगु निर्वाण धैगु दैगु, दुगु मखु । संम्यक दृष्टिं विचार याना स्वे माःगु अवश्य खः ।

थ्व सफू ललित विस्तरे अभिसम्बोधन परिवर्त्तयागु आलोचनात्मक खः । थुकियागु विस्तार स्वयगु इच्छादुषि महानुभावपिसं ने० सं० १०६६, बु० सं० २५०८ सालस, ज्ञानरत्न वज्राचार्य्यं छापे याना प्रकाशयाना विज्यागु ललित विस्तरे अभिसम्बोधन परिवर्त्त, स्वीगू ३० अध्याये बांलाक विचार याना स्वया दिसैं ।

(नमो बुद्धायः)

(शुभ-मङ्गलं भवतु)

Dhamma.Digital

भिन्नु धर्मालोक ग्रन्थ माला

१. लोके कुचाल कुव्यवहार सुधार,
२. अनुत्तर विजय "गुरुमण्डल",
३. ईश्वर हासीकि, ४. बुद्ध गुण, धर्म गुण, संघ गुण
५. प्रज्ञादर्शन (प्रथम भाग)
६. प्रज्ञादर्शन (द्वितीय भाग)
७. सतिपट्टान, ८. ज्ञानमाला, ९. परित्राण,
१०. महाचीन यात्रा, ११. त्रिरत्न वन्दना, १२. पञ्चशील,
१३. भावसुधार, १४. चर्याचार बुद्ध को ज्ञानमा पाँच
- ज्ञान मूर्ति बुद्ध, नाम-रूप निरोध,
१५. चर्याचार बुद्ध को ज्ञानमा पाँच ज्ञान मूर्ति बुद्ध धयागु
- न्यासः यात लिसः यात लिसः,
१६. "बुद्धया पुत्र प्रति वपदेश" याव ङगू प्रतिवाक,
१७. बौद्धधर्म हे मानवधर्म १८. पञ्चशील त्रिगुण पूजा,
१९. उत्तम विचारणीय, नाम रूप निरोध बुद्धको पाँच
- ज्ञानमूर्ति, २०. परिवर्तनशील सिद्धान्त
२१. (हिन्दी) उत्तम विचार, नाम रूप निरोध बुद्ध के पाँच
- ज्ञानमूर्ति, २२. सुयागु धर्म सत्य खः ?
२३. परिवर्तनशील सिद्धान्त तथा किसका धर्म सत्य है ?
- (हिन्दी) २४. कर्म सुधार (निकोगु), २५. Buddhism
- in Nepal, A food for thought, २६. ईश्वर
- हासीकि, कर्मसुधार, २७. गुरु मण्डल (निकोगु)
२८. किसका धर्म सत्य है ? तथा परिवर्तनशील,
२९. किसका धर्म सत्य है तथा श्री हेमराज शर्मा विमिलिसना
- की पाँच बातों के उत्तर, ३०. Buddha's Doctrine
- of universal Flux Whose Religion is
- True ३१. Sin in the Name of Religion,
३२. सर्वज्ञमित्रया इतिहास व सम्यक बोधि ज्ञान दर्शन ।